

Канон святому великомученику Иоанну Новому Сочавскому

Память 2 (15) июня

Тропарь, глас 4

Жити́е на землі́ до́бре о́кормля́я, страда́льче, ми́лостыня́ми, и ча́стными моли́твами, и слеза́ми, па́ки же ко страда́нию му́жески устреми́вся, пе́рсское обличи́л еси́ нече́стие. Те́мже Це́ркве был еси́ утвержде́ние и христиа́н похва́ло, Иоа́нне приснопа́мятне.

Кондак, глас 4

Морску́ю пла́вая пучи́ну кúплю, от восто́ка тща́лся еси́ к се́веру, но Бо́гу призва́вшу тя, я́коже Матфе́й мы́тницу, ты же кúплю оста́вь, и То́му послéдовал еси́ кро́вию мучéния, вре́менными искупив непроходи́мая, и венéц прия́л еси́ непобеди́мый.

КАНОН

Песнь 1

Ирмос: Отвэ́рзу уста́ моя́, и напо́лнятся дúха, и сло́во отры́гну Цари́це Ма́тери, и явлю́ся, све́тло торже́ствую́я, и воспою́, ра́дуясь, То́я чудеса́.

Припев: Святы́й му́чениче Иоа́нне, моли́ Бо́га о нас.

Новоявле́н му́ченик, блаже́нне Иоа́нне, вселéнней напоследок яви́лся еси́, те́мже ми пода́ждь сло́во твоёю благода́тию, тво́я по́двиги воспéти по досто́янию.

Святы́й му́чениче Иоа́нне, моли́ Бо́га о нас.

Очи́ма мы́сленны́ма предсто́я на суди́щи, му́чеников зрел еси́ честно́е сосло́вие, тебе́ призыва́ющих ра́достно, Иоа́нне, и подо́бными венцы́ украша́ющих.

Святы́й му́чениче Иоа́нне, моли́ Бо́га о нас.

Воинством досточúдным твоего́ сопроти́вления побéдная при́хлом на мучи́теля естеству́: соверше́нне бо посра́млен быв, не ктому́ мучи́тельская дерза́ти начина́ет.

Слава: Оде́ваясь во броня́ испове́дания ве́ры и шлем возложив благода́ти светле́йший, язы́ком же, Иоа́нне, боговеща́нным и честны́м, я́ко же мечéм, ссекл еси́ безúмного епа́рха.

И ны́не: Го́ра превысо́кая, ю́же ви́де Дани́ил, ка́мень от го́ры же отсече́ся му́жеску руку́ кромé, Тебе́ прообразова́, Богоро́дице: без му́жа бо нам плóтию родила́ еси́ Емману́ила.

Песнь 3

Ирмос: Тво́я песносло́вцы, Богоро́дице, Живы́й и Незави́стный Исто́чнице, лик Себе́ совоку́пльши́я, духо́вно утверди́, в Божéственной Твоéй сла́ве венце́в сла́вы сподо́би.

Святы́й му́чениче Ио́анне, моли́ Бо́га о нас.

Му́ками, я́ко зла́то честно́е, искуси́лся еси́, страда́льче сла́вне, и Царю́ сил принёслся еси́, всепло́дие словеси́ и́стинно, вмéсто огня́ олта́рнаго мечéм истнёемо.

Святы́й му́чениче Ио́анне, моли́ Бо́га о нас.

О Влады́це пёрвее и Го́споде не насы́тишася иудее́ законопресту́пнии и пророкоуби́йственнии, но и того́ му́ченика, влачи́ма немилостивно́ от слуг нечести́я теку́ще, закла́ху.

Святы́й му́чениче Ио́анне, моли́ Бо́га о нас.

Епа́рх се́ти простира́ше словеси́ ласка́тельными к ловле́нию страда́льца премудра́го, но он вопи́аше к нему́: преста́ни на мно́зе буесло́вья, аз бо тва́ри не поклоню́ся, па́че Созда́вшего.

Слава: Ма́слина плодови́тая в це́ркви Жива́го Бо́га твои́х моще́й ра́ка ны́не яви́ся, от нея́же обира́ем разли́чная неду́гов исцелёния, я́же тобо́ю обогати́шися и чуде́сы твои́ми крася́шися.

И ны́не: Рече́ Божество́нный Иезекии́ль: и бу́дет дверь затворёна. И си́е на Тебе́ испо́лнися, Влады́чице: вни́де бо несказанно́ в Тя Отче́е Сло́во, и ми́ру яви́ся Плотно́сец из Тебе́, Де́во, сохра́нив Тя во обои́х.

Седален, глас 8

Премудро́сти рачи́тель быв, сокрови́ще добродете́лей, отону́дуже и почерпль еси́ Божество́нная разумёния. Те́мже и вре́мени призва́вшу, к по́двигом усер́дно совлэ́клся еси́, прие́мля му́ченическа́я ра́ны, плоти́ содробле́ние, и крове́й исто́щание, и ны́не живёши в неизрече́нне свёте с му́ченики. Сего́ ра́ди вопи́ем ти: моли́ Христа́ Бо́га грехо́в оставле́ние дарова́ти поклоня́ющимся ве́рою святы́м моще́м твои́м.

Слава, и ны́не, *Богородичен*

Помы́шляю́ суд и бою́ся, испытáния трепещу́ стра́шнаго и ужаса́юся му́ки и огня́ боле́зни, тьмы́ же и та́рара. Увы́, что сотворю́? Студ ка́ко претерплю́, егда́ кни́ги разгнут́ся и дея́ния облича́тся? Сего́ ра́ди припада́ю Ти, Богоро́дице Пречи́стая: предста́ни ми то́гда, ну́жды о́ныя изыма́ющи, Тебе́ бо има́м прибе́жище, Влады́чице.

Песнь 4

Ирмос: Седя́й в Сла́ве на Престо́ле Божества́ во о́блаце лёгце, при́иде Иису́с Пребожество́нный Нетле́нною Дла́нию и спасе́ зову́щия: сла́ва, Христе́, си́ле Твоёй.

Святы́й му́чениче Ио́анне, моли́ Бо́га о нас.

Уди́ца льсти́вая язы́к бя́ше мучи́теля, вра́жиими подви́жими ко́зньми, предложити́ великоду́шнаго спешáщ, но безде́лен обличи́ся, страда́льцу в ра́дости зову́щу: сла́ва си́ле Твоёй, Го́споди.

Святы́й му́чениче Ио́анне, моли́ Бо́га о нас.

Что ми мно́гая словеса́ и обеща́ния тле́емая, я́же безу́мне предлага́еши? – Ио́анн к мучи́телю вопи́аше. – Си́я вся́ мне же́лчи горча́йша, сла́достно зыва́ющу: сла́ва си́ле Твоёй, Го́споди.

Святы́й му́чениче Ио́анне, моли́ Бо́га о нас.

Егда́ ра́ны мно́жайши́я на мои́х процвету́т плóтех, то́гда венце́м светле́йшим упова́ю сподо́битися, – страда́лец к пёрсу глаго́лаше, – не косни́ про́чее, о

зломудренне, аз бо вопию: слава силе Твоей, Господи.

Слава: Никакоже тебе послушаю, к пагубе привлекаща, – огнеслужителю Иоанн вещаше, – умру же паче усердно за умершего мене ради, да с мученики светло вопию: слава силе Твоей, Господи.

И ныне: Изобразоваше в Черном прошествие древле Израилево безмужное Твое рождество, Всецарице: якоже бо он тогда пройде немокренно, тако и Христос безсеменно от Твоих пречистых кровей произыде, Дево.

Песнь 5

Ирмос: Ужасошася всяческая о Божественной славе Твоей: Ты бо, Неискусобращная Дево, имела еси во утробе над всеми Бога и родила еси Безлётного Сына, всем воспевающим Тя мир подавающая.

Святый мучениче Иоанне, моли Бога о нас.

Изнемогоша, биюще, слуги страстотерпческия плоти, утрудися и мучитель, томления изыскупа, но он доблественне терпяше, красуясь ранами, яже за любовь подъят Господа своего.

Святый мучениче Иоанне, моли Бога о нас.

Коль страшно же и славно о Христе сопротивление твоё, ему же убо почудишася племена, обретаемая на подвиге, и похвалиша терпение, персы же посрамишася от иудеи, студом оболкшася.

Святый мучениче Иоанне, моли Бога о нас.

Окрест стояху множества, зряще бываемое, славно, и мучитель председаше, тебе приобрести надеяся, но погрешити безумный тщания, все претя непристрашному и вотще бия адаманта.

Слава: Епарха злочестиваго безумному велению ругаяся, Божественный Иоанн прелесть обличаше персския гордыни: солнцу, глаголя, не поклонюся, твари сущей, человеком работающей, большему рук Божиих созданию.

И ныне: Горé быше соприсносущен, Отцу и Богу, Бог Слово и с нами Бог и Человек, Богородице, Тобою сошед к нашему смирению, свободя от клятвы прадедния: Тебе бо виде патриарх Иаков лествицу Небесную.

Песнь 6

Ирмос: Божественное сие и всечестное совершающе празднество, Богомудрии, Богоматере, приидите, руками восплещим, от Нея рождаемого Бога славим.

Святый мучениче Иоанне, моли Бога о нас.

Никакоже поколебаша столпа благочестия свирепство повелевающего, ниже палицами биения, но ни раны, ни смерть нужнейшая.

Святый мучениче Иоанне, моли Бога о нас.

Оку херувимску ума твоего чистота уподобися: доле бо мужески терпел еси мучения и горé предстоял еси Владыце, Иже послá тебе венец победительный.

Святый мучениче Иоанне, моли Бога о нас.

Взыграшася светло мученичестии тогда ликове, видевше твоё дерзновение, и, приникше купно со Ангелы, невидимо укрепляху ты в подвиге.

Слава: Ужа железная Иоанн, страдалец изящный, злата огорля вменяше я и яже от иудей камней метания – степени к Небесному шествию.

И ныне: Образне руно Гедеон прият орошено Твое предвозвещаю чудо:

снїде бо, яко дождь на руно́, Богородице, Еди́ный от Трои́цы во утробу Твою́, воплоща́емь.

Кондак, глас 4

Морскую́ пла́вая пучи́ну куплю́, от восто́ка тща́лся еси́ к се́веру, но Бо́гу призва́вшу тя, якоже Матфе́й мы́тницу, ты же куплю́ оста́вь, и Тому́ последовал еси́ кро́вию муче́ния, вре́менными искупив непроходи́мая, и вене́ц прия́л еси́ непобеди́мый.

Икос

Прему́дрый Зижди́тель и Влады́ка и Госпо́дин виногра́да мы́сленнаго якоже пресвяты́ми Свои́ми усты́ во при́чти виногра́да глаго́лет: яко во еди́ныйна́десять час де́лавшим подобную даде́ це́ну, якоже и от пе́рваго де́лавшим. Ны́не де́лы известі́ в при́чти крѣемое, Ио́анна показав све́тла му́ченика, на са́мый уже́ последок ле́тным ты́сящам, подобно пе́рвым страда́льцем просла́ви нетле́нием и исцеле́ния да́ром: вре́менными бо искупив непроходи́мая, и вене́ц но́сит непобеди́мый.

Песнь 7

Ирмос: Не послужи́ша тва́ри Богому́дрии па́че Созда́вшего, но, о́гненное преще́ние му́жески попра́вше, ра́довахуся, пою́ще: препе́тый отце́в Госпо́дь Бог, благослове́н еси́.

Святы́й му́чениче Ио́анне, моли́ Бо́га о нас.

Приноси́мая ти страда́ния, Ио́анне досточу́дне, младе́нец стреля́ния му́жески вменя́л еси́, ра́достно поя́: препе́тый отце́в Госпо́дь и Бог, благослове́н еси́.

Святы́й му́чениче Ио́анне, моли́ Бо́га о нас.

Ру́ку ча́сто протира́я к мучи́телю, Ио́анн глаго́лаше: что всѹ́е труди́шися, безсту́дне? му́ки бо твора́я мне – пестра́ одея́ния, и сме́рть вене́ц безсме́ртия.

Святы́й му́чениче Ио́анне, моли́ Бо́га о нас.

Истинен аз му́ченик и́стиннаго Христа́ Бо́га на́шего, – страда́лец зыва́ше, – влаче́ния бо цве́ты благово́нны вменяю́ и кро́вныя струи́ – ба́ню креще́ния.

Слава: Но́щь от мене́ су́дится жити́е е́же во плоти́, – Ио́анн любому́дрствоваше, – ско́ро у́бо проче́е плоти́ разреши́ мя соу́за, да я́же со Хри́стом жизнь насле́дую.

И ны́не: Ри́торствующий язы́к безгла́сен и недви́жим, и́же о Тебе́ зрим, Богора́дованная: не има́ть бо пости́гнути непости́жимаго зача́тия неизрече́нное рожде́ние.

Песнь 8

Ирмос: Отроки благочесті́выя в пе́щи Рожде́ство́ Богороди́чо спасло́ есть, тогда́ у́бо образу́емое, ны́не же де́йствуемое, вселенну́ю всю́ воздвиза́ет пе́ти Тебе́: Го́спода по́йте, дела́, и превозноси́те Его́ во вся ве́ки.

Святы́й му́чениче Ио́анне, моли́ Бо́га о нас.

Ублажи́ша тя ца́ри, благослови́ша ты́ святители́, слы́шаще твоё му́жественное терпе́ние и ко Хри́сту ходата́я стяжа́вше тя, и, ны́не приходя́ще, честны́м твои́м мо́щем поклоня́ются.

Святы́й му́чениче Ио́анне, моли́ Бо́га о нас.

Шата́шася ино́гда язы́цы с людьми́ законопресту́пными, на Христа́ и Го́спода

поучающаяся тщётная, и ныне собрашася, персы ўбо Иоанна влачаще, иудеи же закалающе.

Святыи мучениче Иоанне, моли Бога о нас.

Ят бысть тобою, и удержан, и до конца низложен змий безплотный во плоти твоим терпением. И того крепость угасе и лютое мучительство, Христу в плоть облкшуся.

Слава: Хваляся язвами Христовыми, к вечным востекл еси обителем, в багряницу одяян, мучениче, от кровей твоих обагрённую, и светло Царю сил предстоиши, с мученики ликуя.

И ныне: Исаии уголь древле послан бысть, клещами носим от Серафима, касающа тому и грехи оставляющ. Клеща же Ты еси, Дево, Божественный Уголь носившая во оставление грехов человечеству.

Песнь 9

Ирмос: Всяк земнородный да възграется, Духом просвещаемь, да торжествует же безплотных умов естество, почитающее священное торжество Богоматере, и да вопиет: радуйся, Всеблаженная Богородице, Чистая Приснодево.

Святыи мучениче Иоанне, моли Бога о нас.

Воин истинный Христова проповедания был еси, Иоанне, и лести потребитель безбожия. Темже и ныне молитвами твоими потреби варварское востание, воинству нашему под ноги сиё, славне, низлагая.

Святыи мучениче Иоанне, моли Бога о нас.

Аще и разсеяни быша священныя твоя плоти, мудре, аще и крови излишася, но победительная на тебе преидоша. Тем на нас востающих силою твоею посрами и воинство наше яви победителя.

Святыи мучениче Иоанне, моли Бога о нас.

Лук сокруши нечестивых, войне непобедиме, неправедно движимый на твоё достояние, еже себе избрал еси, возлюбив, и отечество наше утверди, да и мы тихо и мирно препроводим жительство.

Слава: Юже желалом память светозарную твою и честную, прияхом и облобызахом, радуящася духом и играюще, молимся, блаженне: место сиё и люди, идеже изволи славитися, сохраняй невредно, со отечеством нашим.

И ныне: Егже пророцы провозвестиша вси многообразне, воплощаема нас ради, Тобю видехом, Богородице, Бога, нам совершенна, избавляющаго человеки от клятвы прадедня, мы же Твоими молитвами вечныя геены да избавимся.

Светилен

Свету не вечернему предстоя, блаженне, с мученическими лики, воспевающая ты в памяти твоей от искушения спасай молитвами твоими.

Слава, и ныне, *Богородичен:*

Незаходимаго света носило, Приснодево, просвещшаго сидящих во тьме неведения прелести, озари и нам, грешным, свет Сына Твоего.